

Namminersornerullutik Oqartussat nalunaarutaat Kalaallit Nunaanni nunat aqqinut aalajangiisartut pillugit

Kalaallit Nunaanni nunat aqqinut aalajangiisartut pillugit Inatsisartut inatsisaanni nr. 11 26. oktober 1989-imeersumi §§ 3 aamma 4 tunngavigalugit aalajangersarneqarpoq:

§ 1. Kalaallit Nunaanni nunat aqqinut aalajangiisartut suliassaraat Kalaallit Nunaanni nunat aqqi, allannerisa naalisarnerisalu atuuttunngortinnissaat ilanngullugu, aqqusernit illoqannginnersallu taaguutaat kisiisa pinnagit, katersussallugit, nalunaarsussallugit tamatumalu kingornagut atuuttunngortissallugit.

Imm. 2. Aalajangiisartut suliassaraattaaq Kalaallit Nunaanni pisortat aamma kih:kulluunniit Kalaallit Nunaanni nunat aqqi pillugit ilitsersortassallugit.

Imm. 3. Aalajangiisartut aamma suliassaraat Oqaasiliortut kiisalu suliffeqarfuit inuillu kalaallisut Kalaallit Nunaanni nunat aqqisa nalunaarsorsimaffiniik nassiuussuisartut imaluunniit atissanik inassuteqartartut suleqatigissallugit.

§ 2. Nunat aqqinut siunnersuutit nutaat oqaaseqaateqarfingisassanngorlugit kommunalbestyrelsinut nassiuunneqartassapput.

Imm. 2. Nunap ilaani kommunit aggornerisa avataanniittut pineqartillugit Kultureqarnermi atuartitsinermilu Pisortaqarfik oqaaseqaateqartinneqartassaaq.

§ 3. Aalajangiisartut suliassaraattaaq qinnuigineqarlutik imaluunniit nammink&q suliniuteqarlutik pisortat imaluunniit inuit ataasiakkaat ilitsersussallugit paassisutississallugillu apeqqutinut nunap aqqinut tunngassuteqartunut tunngasutigut kiisalu akissallugit suliffeqarfuit inuillu atacLSiakkaat apeqqutilliissutaat.

Imm. 2. Aalajangiisartut nunat aqqi allassimaffiliussavaat.

§ 4. Aalajangiisartut suleqatigisinnavaat nunani allani taamatut suliaqartut.

§ 5. Atuuttunngortitsisinnaatitaaneq allanut tunniunneqarsinnaanngilaq.

§ 6. Aalajangiisartut ullormut sulinerat allattoqarfimmit Kultureqarnermi atuartitsinermilu Pisortaqarfimmi inisissimasumit ingerlanneqartassaaq.

Imm. 2. Ataatsimiititaliaq sulinini pillugu ukiumoortumik aningaasatigut missingersuussiortassaaq.

§ 7. Naalakkersuisut aalajangiisartut ataanni ataatsimiititaliorssinnaapput suliassanik immikkut ittunik naammassinnittussanik.

Imm. 2. Taamatut pilersaarusiugaallutik ataatsimiititaliat aningaasartutissaat pisariaqartumik qinnuteqaatigineqareerlutik ilanngunneqassapput nunat aqqinik aalajangiisartut ukiumut tullermut aningaasatigut missingersuutaannut.

§ 8. Aalajangisartut siunnersuutaat tunngavigalugit naalakkersuisut aalajangissavaat nunat aqqinik aalajangisartut ataatsimiinnerminni malittarisassaat.

§ 9. Nunat aqqinik aalajangisartut ukiut tamaasa sulinertik pillugu naalakkersuisunut nalunaaruteqartassapput, tassungalu ilannguttassallugit apeqquteqaatit akineqarnerannut namminnerlu saqqummiussimasaminnut paasissutissat.

§ 10. Nalunaarut atortuulerpoq 1. juni 1990-imit.

Namminersornerullutik Oqartussat, ulloq 15. maj 1990.

Jens Lyberth

/

Hugin S.Christiansen

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviit
Naalakkersuisut